



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

§. 20. Magos dum illudunt, illudi, & præstigijs suis sæpe perire.

[urn:nbn:de:hbz:466:1-51168](https://nbn-resolving.org/urn:nbn:de:hbz:466:1-51168)

ipſi Iob non potuit nocere, niſi Deo illi fra-
 num laxante. In cuius rei confirmatione
 memorat etiam S. Epiphanius, conatus
 Magorum, vt feminam quandam Chriſtia-
 nam in amorem pellicerent, irritos fuiſſe,
 ob crucis ſignaculum ab ea factum, & in-
 ſignem eius fidem. Tertio ostenditur, haru
 laruarum exterminatione, potentia San-
 ctorum, & rerum ſanctarum, qua demon-
 num potentiam proſtigat. Sic Palladius
 refert, B. Macarium eremicolam, muliere
 quampiam magi praestigijs in equam tanſ-
 mutatam, effuſa in caput eius aqua ſacra,
 priſtinae formae reddiſſe. Non igitur
 ſanctorum hominum tantum, ſed etiam
 ſanctarum rerum vis pateſcit, dum prodi-
 gijs his laruam detrahit. Ita ſaeppiſſime ad
 Ieſu & Mariae nomen inuocatum eiufce-
 modi ſpectra in ventum diſſipata videri
 deſierunt.

Iob. 1. & 2

S. Epiph.
 haercl. 30.

Pallad. in
 Lauſiac.
 hiſt. c. 19.

§. XX.

*Magos, dum illudunt, illudi, & in praestigijs
 ſuis ſaepe perire.*

Quarto multo aequiſſime venefici, dum
 ſub his laruis fallere volunt, redeunte in-
 authorem machina, ipſi decipiuntur. Prae-
 terquam enim, quod hominis forma figu-

raque indigni meritò in speciem murium,
 felium, porcorum, aut afinorum transe-
 unt, & comparati iumentis insipientibus similes
 illis fiunt, plerumque sic exuijs bestiarum
 vestiti, vulnerantur, capiuntur, occidun-
 tur; aut dum huic arti fidentes, se tutos
 esse arbitrantur, incidunt in casses. Hoc
 ipsum spectat diabolus, vt occupet impa-
 ratos; & opprimat improuidò. *Quemad-*
modum a supradicto Petro iudice audini, ait
Nider, in territorio Bernensium, & in locis
eidem adiacentibus, à sexaginta circiter annis,
supra facta maleficia à multis practicata sunt.
Quorum primus auctor fuit quidam Scanius
dictus, qui publicè de hoc gloriari audebat, quòd
quandocumq; vellet, ipse se in omnium suorum
amulorum oculis velut murem facere valeret,
& dilabi à manibus inimicorum suorum le-
thalium, & ita è capitalibus inimicorum suorù
manibus, vt dicitur, saepe euasit. Sed cùm ter-
minum suæ malitia diuina iustitia facere vo-
luit, tandem per hostes suos in stussa quadam,
prope fenestram quandam sedere explorabatur
cautè, quo in loco cùm nullum de sibi insidian-
tibus suspectum haberet, per fenestram gladijs
& hastis inopinatè transfixus est, & ob sua fa-
cinora mortuus ibi miserabiliter. Hoc lucrù

Ioan. Ni-
 der lib. 5.
 Formic.
 cap. 4.

est

est artis, mutantur, vt occidantur. Quin & summus iudex, vt eorum ostendat vanitatem, finit eos sub hac monstrorum imagine ludos facere, vt tandem, dum ludunt, serua patiantur. Luculentum est, quod Beda refert his verbis: *Nunciatum est S. Patricio aliquando, nequissimum opus cuiusdam Britannici regis nomine Chairtic infauisti crudelisq; tyranni, qui erat maximus persecutor & interfector Christianorum. S. igitur Patricius per epistolam suam ad viam veritatis enim reuocare tentauit, sed ille salutaria eius monita deridebat. Quod ubi denunciatum est homini Dei, flexis genibus orauit, & dixit: Domine, si fieri potest, expelle perfidum hunc de presenti seculo & futuro. Nec multo post praefatus ille tyrannus musicam artem, a quodam sibi praecantari fecit, a quo audiuit, quod cito de suo regali transfuturus imperio esset: omnesq; charissimi eius in hanc vocem proruperunt. Tunc ille, cum esset in medio foro, illico*

VULPECULE miserabiliter arrepta FORMA profectus est in praesentia suorum, quò eum impetus animi duxit: & ex illo die illaq; hora velut a diabolo raptus nusquam comparuit. Quidam morituri, in honorem S. Francisci, S. Dominici, S. Benedicti aut al-

Ven. Be-
da lib. 2.
vitae S.
Patricij.

terius sancti habitum induunt, vt in illo sepulti eorum Diuorum patrociniū consequantur, quorum habitum profiteri uoluerunt: hic Britannicus rex vulpis pellem induit, vt constaret, qua mente, qua arte fuisset. Mente enim erat similis illi regi, de

Luc. 13^o

32^o

Psal. 62.

11.

S. August.

serm. 241.

quo Christus dixit: *Ite, dicite vulpi illi: Ecce eicio demonia, & sanitates perficio hodie & cras, & tertia die consummor: corpus illius in vulpem mutari videbatur, vt palam fieret, qua arte, quod præmium mæruisset. Erat scilicet de numero illorum, de quibus dicitur: *Introibunt in inferiora terra, hoc est in infernum, tradentur in manus gladij, partes vulpium erunt, seu Acheronticarum bestiarum, à quibus vulpinari didicerunt. Hoc autem exemplum etsi non profuit illi, qui passus est, prodesse tamen potest ijs, qui viderunt, vel audierunt. Itaque cum D. Augustino concludo: *Qui hucusq; in istis diabolicis rebus captiuandum diabolo tradidit se, toto corde pœnitentiam agat, & illa sacrilegia suprascripta cum omni horrore fugiat, & contemnat, vt illi Deus indulgentiam dignetur dare, & ad aeternam beatitudinem, ob gloriam nominis sui, faciat peruenire.***

CAPVT